



03. september 2024

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqqutit:

- 1. Naalackersuisut pilersaaruteqarpat naalagaaffik qinnuigissallugu inatsit nr. 222 06/06/1985-imeersup allangortinnissaa pissasoq, taamaalilluni naalagaaffiup Kalaallit Nunaanni suliassanik ingerlatsinermini Erfalatorput atortalissammagu, imaluunniit Dannebrog peqatigalugu atortalissammagu, pingartumik sakkutuut nunami imaanilu suliaqartillugit?**
- 2. Imaluunniit, Naalackersuisut eqqarsarpat sulissutigissallugu, Kalaallit Nunaata pineqartumut oqartussaaneq tamakkiisumik akisussaaffigilissagaa, taamaalilluni kalaallit erfalasanik atuinissamut aalajangersaanerit tamakkiisumik Kalaallit Nunaannit ingerlanneqarsinnaaleqqullugit?**

(Inatsisartunut ilaasortaq Kuno Fencker, Siumut)

Tungavilersuut:

Inatsisit nr. 222 06/06/1985-imeersumi § 3 innersuullugu, allassimavoq naalagaaffiup Kalaallit Nunaanni ingerlataani Dannebrog atorpeqassasoq. Kalaallit Nunaata naalagaaffeqatigiinnerup iluani namminersorlutik oqartussaaffittut inissisimamera tungavigalugu, kiisalu kalaallit inuiassuseqarnerat kinaassuseqarnerallu ataqpequllugu, apeqqutit uku saqqummiuppakka.

2009-imi Namminersorlutillu Inatsit atuutillermalli Kalaallit Nunaat politikikkut aamma pisortatigut qitiusuni arlalinni aalajangiisinaassuseqariartuinnarsimavoq. Naak ineriartorneq taanna pigaluartoq suli Namminersornerup eqqutinnginneraniit inatsisit arlallit piupput, taakkulu Kalaallit Nunaata ullumikkut Danmarkimut inissisimamera eqqarsaatigalugu pisoqassisimasutut isigineqartariaqarput.

Inatsit atuuttoq, naalagaaffiup Kalaallit Nunaanni suliaqarnerminut atatillugu Dannebrog atornissaanik piumasaqaateqartoq, inatsisit pisoqassisimasut ilaattut assersuutissaqqippoq. Inuppassuarnut kalaallinut Erfalatorput tassaanaangilaq katingat, kisianni aamma nunatut



kinaassuseqarnermik namminersulernernullu ersarissumik ersiutaavoq. Taamaattumik pingaaruteqarpoq pisortat ingerlataani tamani Erfalatorput ilisarnaatitut akuerineqarlunilu ataqqineqarnissaa, pingaartumik naalagaaffiup Nunatsinni ingerlataanut tunngatillugu.

Apeqqutigineqartut ullut suliffiusut qulit iluanni akeqquneqarput.